

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva JU „Centar za socijalni rad“ Sanski Most broj:01-31-97/25 od 21.03.2025. godine za tumačenje Kolektivnog ugovora za službenike organa uprave i sudske vlasti u Federaciji Bosne i Hercegovine, na 12. sjednici Komisije održanoj dana 20.5.2025. godine, donosi:

O D L U K U

o tumačenju odredbe člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbi člana 35. Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

“Kolektivnim ugovorom je propisana visina naknade koja se ostvaruje u slučajevima teže bolesti dok uvjeti pod kojima se vrši procjena i ostvaruje pravo na naknadu zavisi od drugih propisa za čije tumačenje ova komisija nije nadležna.”

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

Obrazloženje

Komisiji je dostavljen zahtjev JU „Centar za socijalni rad“ Sanski Most broj:01-31-97/25 od 21.03.2025. godine za tumačenje Kolektivnog ugovora za službenike organa uprave i sudske vlasti u Federaciji Bosne i Hercegovine, u kontekstu određivanja načina na koji se utvrđuje invalidnost ili teže oboljenje člana porodice, kao i koju Odluku ili propis primijeniti, kantonalnu ili federalnu.

Imajući u vidu navode iz dostavljenog zahtjeva, Komisija naglašava da je odredbom člana 35. Kolektivnog ugovora jasno definisano da se u slučaju povrede na radu, teške bolesti i invalidnosti državnog službenika i namještenika ili člana njegove uže porodice isplaćuje jednokratna novčana pomoć u visini od 2 prosječne neto plaće isplaćene u Federaciji BiH prema zadnjem objavljenom statističkom podatku.

Komisija je konstatovala da uslovi pod kojima se vrši procjena i ostvarivanje ovog prava zavisi od drugih propisa za čije tumačenje, shodno odredbama Kolektivnog ugovora nije nadležna.

Shodno navedenom, utvrđeno je tumačenje odredbe člana 35. Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primjenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-53/25

Sarajevo, 20.5.2025. godine

Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Bojana Todorović



Samir Kurtović



Haris Karačić